



Broj: 01/1-50-1-1-44/08
Sarajevo, 26. 6. 2008. godine

Z A P I S N I K

44. sjednice Ustavnopravne komisije

Sjednica je održana 26. 6. 2008., s početkom u 10 sati.

Sjednici su prisustvovali članovi Komisije: Šefik Džaferović, Martin Raguž, Drago Kalabić, Momčilo Novaković, Ekrem Ajanović, Adem Huskić, Lazar Prodanović i Velimir Jukić.

Član Komisije Halid Genjac opravdano je odsustvovao.

Osim članova Komisije, sjednici su prisustvovali i: Mirsad Strika, Admir Suljagić i Mirnes Zukanović iz Visokog sudskog i tužilačkog vijeća BiH, Fazila Musić iz Ministarstva pravde BiH, Kojo Koprivica iz Ministarstva komunikacija i prometa BiH i Beriz Belkić, prvi zamjenik predsjedavajućeg Predstavničkog doma PSBiH.

Sjednici su prisustvovali sekretar Komisije Igor Bajić i stručni saradnik u Komisiji Nedžad Salman.

Predsjedavajući Komisije predložio je, a Komisija jednoglasno usvojila sljedeći

D N E V N I R E D

1. Usvajanje Zapisnika 43. sjednice, održane 12.6.2008.;
2. Razmatranje dopisa Kolegija Doma o organiziranju informativne sjednice u vezi s problemom korupcije i organiziranog kriminala (**dogovor o načinu rada prema dopisu Doma broj: 01-05-98/08, od 10.6. 2008.**);
3. Prijedlog zakona o javnim putevima, predlagač: Vijeće ministara BiH (**usklađenost sa Ustavom BiH i pravnim sistemom u skladu s članom 103. Poslovnika Doma**);
4. Prijedlog zakona o izmjenama i dopunama Zakona o odlikovanjima BiH, predlagač: poslanik Beriz Belkić (**usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma**);
5. Prijedlog zakona o izmjenama i dopunama Zakona o udruženjima i fondacijama BiH, predlagač: Vijeće ministara BiH (**postupak u nadležnoj komisiji u skladu s članom 110. Poslovnika Doma**);
6. **Ostala pitanja:**
 - Godišnji izvještaj Visokog sudskog i tužilačkog vijeća BiH za 2007. godinu (**razmatranje Godišnjeg izvještaja u skladu s članom 20. stav (3) Zakona o Visokom sudskom i tužilačkom vijeću BiH- kao informacije**);
 - Usvajanje Izvještaja o radu Ustavnopravne komisije za period od 1.1. do 30.6. 2008.;

Ad. 1. Usvajanje Zapisnika 43. sjednice, održane 12. 6. 2008.

Predsjedavajući je otvorio raspravu u kojoj je učestvovao član Komisije Drago Kalabić. Rekao je kako smatra da, u načelu, Komisija treba da ima jedinstven stav u pogledu forme izvještaja kako se ne bi dešavalo da se istovremeno konstatira da nema jedinstvenog stava i da se izdvaja mišljenje. Naglasio je da treba prihvatiti jednu ili drugu praksu za ubuduće. Nakon rasprave, Komisija je jednoglasno usvojila Zapisnik 43. sjednice.

Ad. 2. Razmatranje dopisa Kolegija Doma o organiziranju informativne sjednice u vezi s problemom korupcije i organiziranog kriminala (dogovor o načinu rada prema dopisu Doma broj: 01-05-98/08, od 10.6. 2008.)

Predsjedavajući je otvorio raspravu u kojoj su učestvovali: Beriz Belkić, Momčilo Novaković, Adem Huskić, Drago Kalabić, Šefik Džaferović, Martin Raguž i Velimir Jukić. Nakon rasprave, Komisija je jednoglasno prihvatila sljedeće zaključke:

- Ustavnopravna komisija je na 44. sjednici razmatrala navedeni dopis Kolegija i prihvata inicijativu za organizaciju informativne sjednice o navedenom pitanju;
- Komisija smatra da je, s ciljem što bolje pripreme za organiziranje informativne sjednice, potrebno pozvati na sljedeću sjednicu Komisije članove Kolegija Predstavničkog doma i predstavnike Ambasade SAD-a u BiH.

Ad.3. Prijedlog zakona o javnim putevima, predlagач: Vijeće ministara BiH (usklađenost sa Ustavom BiH i pravnim sistemom u skladu s članom 103. Poslovnika Doma)

Predsjedavajući je otvorio raspravu u kojoj su učestvovali: Momčilo Novaković, Adem Huskić, Martin Raguž i Ekrem Ajanović.

Komisija je nakon rasprave, s pet glasova „za“, jednim glasom „protiv“ i dva „suzdržana“ glasa, utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Ad. 4. Prijedlog zakona o izmjenama i dopunama Zakona o odlikovanjima BiH, predlagач: poslanik Beriz Belkić (usklađenost sa Ustavom BiH, pravnim sistemom i principi u skladu s čl. 103. i 104. Poslovnika Doma)

Predsjedavajući je otvorio raspravu u kojoj su učestvovali: Beriz Belkić, Momčilo Novaković i Martin Raguž.

Komisija je, nakon rasprave, jednoglasno utvrdila da:

- postoji valjan ustavnopravni osnov za donošenje Zakona;
- je Prijedlog zakona usklađen sa Ustavom BiH i pravnim sistemom.

Komisija je, sa sedam glasova „za“, bez glasova „protiv“ i jednim „suzdržanim“ glasom, podržala principe predloženog zakona.

Ad. 5. Prijedlog zakona o izmjenama i dopunama Zakona o udruženjima i fondacijama BiH, predlagач: Vijeće ministara BiH (postupak u nadležnoj komisiji u skladu s članom 110. Poslovnika Doma)

Nakon rasprave, Komisija je utvrdila sljedeće:

- Ustavnopravna komisija, sa sedam glasova „za“, bez glasova „protiv“ i jednim „suzdržanim“ glasom, prihvata tekst Prijedloga zakona o udruženjima i fondacijama BiH i predlaže Predstavničkom domu njegovo usvajanje;
- Za izvjestioca, u plenarnoj fazi, u skladu s članom 113. Poslovnika Predstavničkog doma Parlamentarne skupštine BiH, imenuje se predsjedavajući Komisije Šefik Džaferović.

Ad. 6. Ostala pitanja:

- Godišnji izvještaj Visokog sudskog i tužilačkog vijeća BiH za 2007. godinu (razmatranje Godišnjeg izvještaja u skladu s članom 20. stav (3) Zakona o Visokom sudskom i tužilačkom vijeću BiH- kao informacije)

Predsjedavajući je otvorio raspravu u kojoj su učestvovali svi članovi Komisije i predstavnici Visokog sudskog i tužilačkog vijeća BiH Mirsad Strika i Admir Suljagić.

Komisija je, nakon rasprave, jednoglasno odlučila sljedeće:

- Ustavnopravna komisija prima na znanje Godišnji izvještaj Visokog sudskog i tužilačkog vijeća BiH za 2007. godinu;
- Izvještaj je metodološki dobro urađen i sadrži dovoljno informacija o radu Visokog sudskog i tužilačkog vijeća BiH ;
- Komisija predlaže Predstavničkom domu da primi na znanje Godišnji izvještaj Visokog sudskog i tužilačkog vijeća BiH za 2007. godinu.

• **Usvajanje Izvještaja o radu Ustavnopravne komisije za period od 1.1. do 30.6. 2008.**

Nakon rasprave, Komisija je jednoglasno usvojila Izvještaj o radu za period od 1.1. do 30.6. 2008., uz primjedbu člana Komisije Ekrema Ajanovića koji od Sekretarijata Komisije traži provjeru podataka o njegovom prisustvu sjednicama za navedeni period.

Budući da nije bilo više pitanja, sjednica je završena u 12 sati.

SEKRETAR KOMISIJE

Igor Bajić

PREDSJEDAVAJUĆI KOMISIJE

Šefik Džaferović